

中國方志叢書·華中地方·第一二號


據

清·傅觀光等修·丁維誠等纂
清·光緒九年刊本

影印

江蘇省

溧水縣志



成文出版社有限公司印行



10105971

8919357

中國方志叢書·華中地方·第一二號

據


清·傅觀光等修·丁維誠等纂
清·光緒九年刊本

影印

江蘇省

溧水縣志

(二)



成文出版社有限公司印行



10105972

8919358

中國方志叢書·華中地方·第一二號

據

清·傅觀光等修·丁維誠等纂
清·光緒九年刊本

影印

江蘇省

溧水縣志

(三)

成文出版社有限公司印行



10105973

8919359

中華民國五十九年五月十一版

溧水縣志

全三冊

發行人：黃 成 助

出版者：成文出版社有限公司
台北郵政信箱二二六〇五號

台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內服台業字第一一四七號

燠
火
歸
宅

一一十一歲

光緒八年二月
開雕九年刊成

序

溧水在春秋爲吳楚分域漢置溧陽隋始名溧水唐析復溧陽治
明析建高淳治其先皆溧水地也攷溧水爲禹貢中江其源出今
高淳之固城湖固城見左氏傳吳爲瀨渚楚曰平陵史記子胥至
於陵水謂平陵之水實固城湖也陵溧以聲轉而譌溧之得名由
此余自丁亥冬承乏是邦甫下車亟攷輿圖問風俗知邑故有志
始自前明正德中至我

朝乾隆閒凡五修焉兵燹後新建傅君謀續修未及成而去官密
縣施君繼之已鋟板矣復因費絀印行無多余讀之見兩君成書
之難也爰出資重加排印以竟其志裝池旣竣迺爲之辭曰志者

識也所以識前而傳後也孟堅十志爲志權輿然古志地書所重山川方域未嘗兼及人物藝文宋太平寰宇記始詳錄焉厥後踵事增華益爲賅備

聖朝稽古右文

大清一統志煥垂金石舉凡通都大邑山陬海澨土宜俗尙詳晰靡遺偉矣盛矣於是一郡一邑各有一志以上備輶軒之采下爲文獻之徵掌故沿革人文風物以及治亂興衰之迹莫不寓乎其閒溧水壤接會垣粵逆之變屢被蹂躪士女抗節赴義者不可勝紀此固我

國家二百年來深仁厚澤有以致之而溧邑風俗之樸誠亦可於

此見也蕩平後

聖天子軫念其士民苦寇久矣迺爲豁虛糧釐正賦以培植之大吏奉揚

皇仁撫循勞來今又二十餘年矣乃水旱頻仍元氣猶未大復生聚教養司牧者之責也余以輅材蒞斯土常以不克勝任爲懼兩載以來凡有關文教者兢兢加意冀儲後來之彥爲志乘光此余今日印訂此書之志焉是爲序

光緒十有五年歲次己丑嘉平月

賞戴花翎四品銜知溧水縣事古樵李譚日襄謹序

續修溧水縣志序

余守江甯之明年屬邑志書先後告成溧水令新建傅君以其縣志來質竝請爲序余忝涖斯土曷敢辭顧從公乏暇披讀甚略偶一檢閱深歎其詳贍無遺蓋爲卷二十有二而綱則十有六目則幾近百矣攷溧水在秦時爲溧陽縣地隋開皇中始析置溧水縣迄於今不改其邑之得名最古志凡六修皆無存本惟

國朝乾隆四十二年凌志輯有成書茲續修此志蓋卽取凌本而增益之夫凌志距今已百有餘年其間營伍之變更官舍之增設戶口之殷繁祀典之赫肇旌表之踵接選舉之代興以及儒林文苑之蔚起藝文方技之繼美皆歲新而月異況值江左兵燹以來

陷爲賊巢摧斃甚酷賴

毅皇帝赫然一怒與夫元老宿將之力摧陷而廓清之一時忠臣義士捐軀如歸烈婦節媛蹈刃若素功在宗稷名在里閭所以表章而潤色之者將於是乎在泊乎

今天子御宇從封疆大吏之請豁除虛糧以蘇民困際此

湛恩汪濊固宜敬謹紀載俾鼓舞歌頌之勿替其勢誠不得不詳不必援班歐二史刪繁就簡之例以繩之也溧陽與溧水接壤改隸鎮江府余往者守鎮江時其縣志粗備會受大吏薦移守此郡未暇爲之攷訂而遽去至今歉焉夫修明法制攷證文獻使邑人士得以數典無忘者太守之職也矧觀厥成其慶幸當何如耶嗣

自今培風俗興庠序兢兢然謀生聚教訓以仰副

聖天子軫恤民瘼之至意竊願與賢大令共勉之矣

光緒七年八月江甯府知府鄞趙佑宸序

續修溧水縣志序

周禮外史掌邦國之志而郡邑之志昉焉邑之有志功用與國史同非徒侈言物華瑑飾形勝已也其閒典禮掌故吏治民風以及芳徽懿行莫不顯微闡幽永垂法鑒俾信今傳後藉以正人心而維風化者於是乎在志之有關於民極者豈淺鮮哉溧水自隋開皇十一年始置縣舊故無志明正德中餘干陳君憲按羅遺佚創輯邑乘方露端倪由前明以迄

國朝志凡六修俱無傳本惟乾隆丁酉凌君輯書尙存距今已百有餘年矣賦役戶口之增減人才文苑之接武祀典公宇之肇興歲積事增固待補葺矧值兵燹之後溧邑蹂躪尤深其中勞臣著

績烈士捐軀婦女之殉難團練之同仇更不可令其湮沒者是誠司牧之責也歲丁丑余視篆茲邑下車伊始慨然思所以續之越己卯奉 上憲檄飭各屬編輯邑志庚辰夏爰與司鐸章君冀伯李君起之商推重修擇邑之老成多聞者分任采摭延名宿以輯其成彙甫竣諸君子屬余筆削余自維固陋考訂未遑偶於公餘之暇詳加披閱其析疑核實探逸增新綱舉目張視舊本時有補正分類十有六爲卷二十有二至如

聖朝蠲免之恩

文廟典禮之考忠義節烈之傳特加詳焉由是百餘年來之事蹟其紀載闕如者皆彰彰大備矣爰繕成帙謹呈 太守趙公鑒定

然後付梓余竊喜諸君子幸際

昇平雍容揄揚徵文考獻得以各奏爾能洵足迪前賢纂輯之光
振繼此編摩之體并有以備

國家輶軒採問之資庶幾信今傳後咸知觀感奮興藉以正人心
而維風化則尤余所企望者耳事將葺而問序於余余樂觀厥成
因述梗槩以誌於簡末

光緒七年歲次辛巳九月知溧水縣事西昌傅觀光謹序